

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Marocci regnum

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Regio & inde
dicta.

Soli fertilitas.

Animalium va-
rietas.

Urbes.

PARS illa *Barbaria*, quæ olim *Mauritania Tingitana* dicta, hodie 11 Regna comprehendit, *Marocci* videlicet & *Fessa*, de quibus nunc ordine dicendum est. *Marocci* regnum nomen accepit ab Urbe primaria *Marocco*. Iacet inter Atlantem Monrem & Oceanum Atlanticum, Formæ pene triangularis. Amœnissima est regio, abundatq; frugibus & Leguminibus omnis generis, Oleo, Melle, Saccharo, fructibus omnigenis. *Dactylis*, *Vvis*, *Ficubus*, *Pomis* ac *Piris* variis. Armentis item ac gregibus: multæ etiã reperiuntur *Capræ*, quarum pelles *Marocchini* dicuntur: villi utilissimi sunt ad pannos contexendos quos *Camelottos*, vulgo vocant. Rerum denique omnium quæ ad victum conveniunt, quæ naribus adblandiuntur, quæ oculos pascunt, regio feracissima est. Ejus Provinciæ sunt, *Hea*, quæ ab Oriente clauditur fluvio *Effivalo*, a Meridie Atlate, ad Occalum & Septentrionem Oceano: estque regio aspera, montosa, nemorosa, dives & Incolis frequens. Frumentum hic copiose non colligitur, sicut *Hordeum*, *Milium* & *Panicum*. Fructuum autem magna est inopia, ignava potius Incolarum socordia, quam vel Cœli vel Soli injuria. Mellis vero magna copia, quo majori ex parte vescuntur, Ceram tamen abjiciunt, usum ejus ignorant. Civitates paucæ hic sunt, sed pagi, vici & castra munitissima maximo numero reperiuntur. *Susa* quæ ad Septentrionem Atlantem habet & opidum *Hea*, ad Ortum fluvium *Sus*, regio fertilis, amœna, dives. Abundat frumento, *Hordeo*, ac leguminibus, ac quibusdã in locis *Saccharum* satis copiose profert, licet Incolæ illud, neque coquere, neque parare probe sciant: Fructus etiã alicubi proveniunt, *ficus*, *Vvæ*, *Mala Persica*, & *Dactyli*: Oleo caret, quod tamen aliunde advectum huc defertur. Auri Metalla sunt in monte *Ilalemo*. Præcipuum hujus regionis Opidum *Tavodantum*, Mauris *Taurent*, satis amplum, ab antiquis Africanis conditum. Domorum numerat circiter tria millia. Incolæ moribus sunt civilioribus. Hic *Anghi*, & *Galli* Mercatores degunt & *Ferrum*, *Stannum*, *Plumbum*, *Saccharo* commutant. Sunt & *Messa*, sub quo nomine tria minorum gentium Opida continentur, unius miliaris intervallo alia ab aliis dissidentia, a veteribus Africanis ad littus Oceani condita: *Tenient* Civitas exstructa olim ab Africanis in pulchra planicie, cujus unum latus lambit Fluvius *Sus*. Divisa in tres partes spatio plus minus unius miliaris distantes, quæ conjunctæ figuram triangularem constituunt: *Tedsi* Civitas magna, fundata olim ab Africanis, sita in agro fertilissimo: & *Tagavost* omnium hujus Regionis maxima. *Marocci* territorium Formam refert triangularem. Ejus Fines ab Occasu Mons *Netisa*, ab Ortum Mons *Hadimeu*; qua Septentrio est in eum usque locum extenditur, ubi notissimi Fluvii *Tensifi* & *Asifinual* junguntur. Est autem (leone referente) regio hæc cultissima, Armentis, Pecoribus & feris abundans. Perpetua pene planicies, *Lombardiæ* non admodum dissimilis; Montes siquos habet, frigidissimi atque sterilissimi sunt, adeo ut nihil præter *Hordeum* producant.

In hac

MAROCCHI REGNUM.


187



In hac Vrbs est *Maroccum*, quod *Bocanum Hemerum* Ptol. fuisse quidam suspicantur. Hæc inter maximas totius Orbis terrarum urbes adnumerari solet. Est enim inauditæ magnitudinis: ita ut sub Principe suo *Habio* *sephi* Filio domus numeraret plus quam centies mille. Portas in ambitu habebat viginti quatuor: sed hæc ampla quondam & celebris urbs, nunc ita frequentibus Arabum excursionibus attrita est, ut vix tertia urbis portio Incolas habeat. Sunt & in hoc territorio Vrbes aliz minorum gentium Opida: *Elgiumuba*. Opidum exiguum, in planicie, prope fluvium *Sesseva*, ab Africanis conditum: *Tenezza* Civitas munita, olim exstructa ab Africanis in latere illius partis Atlantis quæ dicitur *Gbecamina*; *Delgiumuba* Civitas nova in Monte altissimo sita, Arx valida; *Imizmizi* Vrbs ampla Scopulo insidens; *Tesraft* exiguum Opidum in ripa fluvii *Asfelmel* positum; *Agmet* & *Hanimmei*. *Guzzula* ad Septentrionem Atlanti adhæret, ad Ortum Hæc jungitur. Mittit hæc Regio Hordeum magna copia, & pecudes innumeras, habetque *Eris* & ferri Fodinas. Opida hic & Arces vallo carent: pagi frequentes, ampli, divites: regio omnis Incolis referta. *Duccala* regio ab Occasu a *Tensifto* fluvio initium capit, terminatur a Septentrione Oceano, a Meridie fl. *Habiel* clauditur, atque ab Occidente fluvio *Hammirabih*. Pauca in hac Civitates muris cinctæ. Inter quas *Azezi* Civitas in Littore Oceani sita. Condiderunt eam Africani: *Conte* a Gothis & *Tit* ab Africanis condita; *Elmedina* quale totius hujus Regionis Caput; *Centopozzi* Opidum exiguum; *Subeit*, *Temaracost*, *Terga*, *Bulariuan*, *Alamiur*, & *Meramer*. *Hafcora* regio ad Septentrionem *Duccalæ* confinis est, ad Occasum terminatur *Tensifto* fluvio, & ad Ortum fluvio *Quadelhabih* a regione *Tedeletes* discluditur. Multa ad hanc regionem pertinent Opida opulentissima, populo satis numerosa, ut *Alemdin* Civitas in valle quadam quæ quatuor altis Mõribus cinctæ est, exstructa: quam Nobiles, Mercatores & Artifices habitant: *Tagodast* in cacumine Montis sita, quatuor aliis circumdata: *Elgiumuba* in monte altissimo condita, inter duos alios non minoris altitudinis; & *Bzo* Civitas antiqua in Monte admodum sublimi posita viginti circiter Milliaria *Elgiumuba* distans, versus Occasum. *Tedles* regio non adeo ampla est, ab Occasu terminatur fluminibus *Servi* & *Ommirabih*, ad Meridie Atlanti contigua est: ad Septentrionem vero terminatur, ubi fl. *Servi* in fluvium *Ommirabih* prolabitur, unde regio ipsa triangulari forma clauditur. Sunt in ea nonnulla Opida: Præcipuum est *Tesza*, ab Africanis, conditum, populo satis frequens. Sunt & *Efsa*, *Guhueb*, & alia. Præcipua Flumina hujus Regni sunt *Tensift* & *Ommirabih*, qui ex Atlante Monte erumpentes in Oceanum se exonerant. Sed *Tensift* vritur in Marocci territorio, ac plurimis augetur fluvii, inter quos magni sunt *Sifselmel* & *Niffis*.

Flumina

Ommirabih



Omirabilis vero scaturit inter altissimos montes, qua *Tedles* provincia *Fessano* Regno contermina est. In littore maris alibi magna Electri copia invenitur, quæ inde a Lusitanis atque aliis exteris exportatur in alias regiones, quod quidem Electrum vilissimo pretio coemunt. Multi hic Montes inter quos *Nsiphæ*, *Semedæ*, *Seufana* &c. Quorum plerique frigidissimi atque sterilissimi sunt, adeo ut nihil præter Hordeum producant. In hoc Regno neque Templorum, neque Collegiorum, neque Hospitiorum copiam desiderabis. In urbe Marocco multa sunt Tempia, inter quæ nullum artificiosius, neque magnificentius, quam quod in medio urbis a dicto hali exstructum extat. Est & aliud ab hujus successore *Abdul Miomen* exstructum, & ab hujus Nepote *Mansor* ampliatum, multisque Columnis ex Hispania convectis opulentiùs redditum. Cisternam sub hoc Templo confecit, ejus magnitudinis, cujus totum est Templum: tectum Templo addidit plumbeum: singulisque angulis addidit Canales, qui pluvialem aquam in Cisternam subjectam mittant. Turris ex lapide durissimo, quale Romanum Vespasiani est Amphitheatrum, altitudine Turrim Bononiensem in Italia superat. Gradus quibus ascenditur habent singuli novem palmos latitudinis: exterius vero muri latus decem. Septem habet hæc Turris mansiones. Huic superstructa alia turricula, quæ instar acus adurgit. Hæc tres alteram alteri superpositas habet mansiones, sitque ab una ad aliam lignea scala adscensus. Siquis è summa Turri despiciat, huic Homines quamvis Staturæ procerioris, non aliter ac pueri unius anni appareant. Habet & hæc turricula in summa parte ferrum quoddam Luna ornatum aurea, tres item Sphæras aureas, sic ferro insertas, ut maxima inferiorem, minima superiorem partem occupet. Est & Arx quædam munitissima in hac urbe, quæ si amplitudinem, si Muros, si Turres, si Portas ex Tiburtino Marmore exstructas videris, Civitatem jure censeas. Templum habet altissima Turri ornatissimum, in cujus fastigio Luna, atque sub hac tres inæqualis magnitudinis Sphæras aureas, quæ omnes cxxx mille aureos pendent. In hac Vrbe intra Muros Vineæ, Palmæ Horti spatiosi, Agrique Frumenti fecundissimi. Nam extra Muros terram colere, frequens Arabum vetat incurfio. Incolæ hujus regni alibi civiliores, alibi rudiores, & civilitatis plus satis ignari. Pane fere vescuntur hordeaceo, non fermentato, nec in furnis excocto, interdum vero cibum sibi ex Farina hordeacea Lacte & Oleo vel Butyro parant. Apud multos nullus mensarum & mapparum usus. Vestiuntur fere pannis ex lana in straguli modum confectis, caput vero panniculo quodam ornant, remanente tamen superiore parte nuda pileum non nisi fenes aut docti Viri gestant, subuculas non habent, lecti vice culcitra villosa utuntur, cui se involvunt. Barbam radere solent antequam matrimonium contrahant, sed matrimonio juncti promissam gestant.

*Opera publica.**Mores.
Mores.
Vetus.
Vestitus.*

Ecccij

FESSANUM